



**Inatsisartut Ombudsmandiat
2019-imi ukiumoortumik nalunaarut**

4.2 Itigartitsinerup suliamik suliarinninnerup unitsikkallar- neqarneranik sunniuteqartikkumaneqannginnera naam- magittaalliuutigineqarsinnaavoq

Kalaallit Airports A/S-ip qinnuteqaataata Pinngortitamut Avatangiisinullu Naalakkersuisoqarfimmit VVM-imik akuerineqarnera pillugu naammagittaalliuutip suliamik suliarinninnerup unitsikkallarneqarneranik sunniuteqartinneqannginnissaanik Naalakkersuisoqarfiup aalajangiinera innuttaasup naammagittaalliuutigaa.

Innuttaasup naammagittaalliuutaata suliamik suliarinninnerup unitsikkallarneqarneranik sunniuteqartinneqannginnissaanik Naalakkersuisoqarfiup aalajangiineraata naammagittaalliuutigineqarsinnaanera Pinngortitamut Avatangiisinullu Naalakkersuisoqarfiup innuttaasumut ilitersuutigisimangilaa. Taamaattumik Naalakkersuisoqarfiup aalajangiinera naammagittaalliuutigineqarsinnaanngitsoq innuttaasup Ombudsmandimut saaffiginninnermini naatsorsuutigisimavaa.

Ombudsmandi pillugu inatsimmi § 13-ikkut aalajangersarneqarpoq pissutsit ingerlat-sinermi oqartussaasumut allamut naammagittaalliuutigineqarsinnaasut pillugit naam-magittaalliuutit aqutsinermi allaffissornikkut oqartussaasumit qullerpaamit aalaja-ngiiffigineqareersimatinnagit Ombudsmandimut suliassanngortinneqarsinnaanngitsut. Taamaattumik naammagittaalliuutip suliamik suliarinninnerup unitsikkallarneqarneranik sunniuteqartinneqarsinnaanera pillugu apeqqut Ombudsmandi naammagittaalliuummik suliarinnissinnaalersinnagu Avatangiisit Innarlitsaalineqarnissaat pillugu Naammagittaalliuuteqartarfiup suliarisinnaaneraa isumaliutersuutigineqartariaqarsimavoq.

Taamaattumik Ombudsmandi Pinngortitamut Avatangiisinullu Naalakkersuisoqarfimmut manna malugeqquniarlugu sianerpoq, tassalu naammagittaalliuut suliamik suliarinninnerup unitsikkallarneqarneranik sunniuteqartinneqassanersoq aalajangiineq tassaasoq aalajangiineq, naammagittaalliorfissaqarpat naammagittaalliuuteqarfiusussamut pisut qanoq issusiat apeqqutaatillugu naammagittaalliuutigineqarsinnaasussaasoq inatsisilerineq pillugu atuakkiani allaaserisanilu nalinginnaasumik ilimagineqartoq.

Pinngortitamut Avatangiisinullu Naalakkersuisoqarfik naammagittaalliorlumut tamatum kingornatigut allappoq naammagittaalliuutip suliamik suliarinninnerup unitsikkallarneqarneranik sunniuteqartinneqarnissaanik apeqqut Avatangiisit Innarlitsaaliorneqarnissaat pillugu Naammagittaalliuuteqartarfimmut naammagittaalliuutigineqar-

sinnaasoq. Naammagittaalliuut Naalakkersuisoqarfiup Naammagittaalliuuteqartarfimmut ingerlateqqillugu aamma nassiuppaa.

Taamaattumik Ombudsmandi suliame annertunerusumik iliuuseqaqqinniarani naammagittaallioortumut allappoq.

(J.nr. 2019-220-0003)